



ДОМ НАРОДА
ПРЕДСТАВНИЧКИ ДОМ

DOM NARODA
PREDSTAVNIČKI DOM / ZASTUPNIČKI DOM

Привремена заједничка комисија оба дома
Парламентарне скупштине БиХ за спровођење
процедуре за именовање три омбудсмена за
људска права Босне и Херцеговине

Privremena zajednička komisija oba doma
Parlamentarne skupštine BiH za provođenje
procedure za imenovanje tri ombudsmena
za ljudska prava Bosne i Hercegovine

Privremeno zajedničko povjerenstvo obaju
domova Parlamentarne skupštine BiH za
provođenje procedure imenovanja tri
ombudsmana za ljudska prava Bosne i
Hercegovine

Broj: 01, 02-50-14-469-6,1/15
Sarajevo, 14.10.2015.

**PARLAMENTARNA SKUPŠTINA BiH
PREDSTAVNIČKOM DOMU
DOMU NARODA**

Na osnovu člana 55. Poslovnika Predstavničkog doma Parlamentarne skupštine BiH („Službeni glasnik BiH“, broj 79/14), člana 45. Poslovnika Doma naroda Parlamentarne skupštine BiH („Službeni glasnik BiH“, broj 58/14), člana 9. Zakona o ombudsmenu za ljudska prava Bosne i Hercegovine („Službeni glasnik BiH“, br. 19/02, 35/04 i 32/06), Zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje tri ombudsmena za ljudska prava Bosne i Hercegovine („Službeni glasnik BiH“, broj 27/15), Privremena zajednička komisija oba doma Parlamentarne skupštine BiH za provođenje procedure za imenovanje tri ombudsmena za ljudska prava Bosne i Hercegovine na 6. sjednici, održanoj 14.10.2015., usvojila je, te Predstavničkom domu i Domu naroda Parlamentarne skupštine BiH podnosi sljedeći

IZVJEŠTAJ

**o utvrđivanju rang-liste kandidata za imenovanje tri ombudsmena za ljudska prava
Bosne i Hercegovine**

I. Imenovanje članova Privremene zajedničke komisije oba doma Parlamentarne skupštine BiH za provođenje procedure za imenovanje tri ombudsmena za ljudska prava Bosne i Hercegovine

Parlamentarna skupština BiH je na 9. sjednici Predstavničkog doma, održanoj 25. marta 2015., i na 3. sjednici Doma naroda, održanoj 30. marta 2015., imenovala članove Privremene zajedničke komisije oba doma Parlamentarne skupštine BiH za provođenje

procedure za imenovanje tri ombudsmena za ljudska prava Bosne i Hercegovine (u daljnjem tekstu: Privremena zajednička komisija), u kojoj su:

Safer Demirović, Borislav Bojić i Nikola Lovrinović iz Predstavničkog doma, te Halid Genjac, Ognjen Tadić i Ljilja Zovko iz Doma naroda Parlamentarne skupštine BiH.

II. Zadaci i hronologija rada Privremene zajedničke komisije

U skladu s članom 9. Zakona o ombudsmenu za ljudska prava Bosne i Hercegovine („Službeni glasnik BiH“, br. 19/02, 35/04 i 32/06) te Zaključkom o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje tri ombudsmena za ljudska prava Bosne i Hercegovine („Sužbeni glasnik BiH“, broj 27/15), zadatak Privremene zajedničke komisije bio je da usvoji potrebne akte o svom radu, te provede proceduru oglašavanja i domovima predloži kandidate za imenovanje tri ombudsmena za ljudska prava Bosne i Hercegovine.

Kako bi realizirala svoje zadatke, Privremena zajednička komisija održala je šest sjednica.

Konstituirajuća sjednica održana je 8. aprila 2015. Na ovoj sjednici članovi Privremene zajedničke komisije jednoglasno su za predsjedavajućeg izabrali Halida Genjca, za prvog zamjenika predsjedavajućeg Nikolu Lovrinovića, te za drugog zamjenika Borislava Bojića.

S ciljem javnosti rada, na veb-stranici PSBiH objavljeni su određeni akti, kao što su: Poslovnik Privremene zajedničke komisije, usvojeni zapisnici sjednica, tekst Javnog konkursa i najave održavanja sjednica, te određeni popratni materijali za sjednice.

Privremena zajednička komisija je na 3. sjednici, održanoj 1. jula 2015., usvojila Poslovnik. Poslovnikom je propisan način rada Privremene zajedničke komisije, raspisivanje i uslovi javnog konkursa, rad po okončanju javnog konkursa, javnost rada, kriteriji bodovanja, intervju - javno saslušanje, utvrđivanje rang-liste kandidata te prijelazne i završne odredbe. Na istoj sjednici Privremena zajednička komisija usvojila je i Odluku o raspisivanju Javnog konkursa za provođenje procedure za imenovanje tri ombudsmena za ljudska prava Bosne i Hercegovine, tekst Javnog konkursa za provođenje procedure za imenovanje ombudsmena za ljudska prava Bosne i Hercegovine, kao i izgled prijavnog obrasca za kandidate za ombudsmena za ljudska prava Bosne i Hercegovine, nakon čega se pristupilo objavljivanju Javnog konkursa.

Javni konkurs za provođenje procedure za imenovanje tri ombudsmena za ljudska prava Bosne i Hercegovine objavljen je u: „Službenom glasniku BiH“, broj 58/15, od 21.7.2015; „Službenom glasniku Brčko Distrikta BiH“, broj 21/15, od 20.7.2015, te Obavještenje o objavljivanju Javnog konkursa u dnevnim listovima: „Oslobođenje“, „Euroblic“ i „Večernji list“.

Rok za podnošenje prijava na Javni konkurs bio je (zaključno) 5. august 2015.

III. Prijavljeni kandidati, utvrđivanje ispravnosti dostavljene dokumentacije i intervju

Na Javni konkurs pristiglo je ukupno 19 prijava koje su sve stigle u predviđenom roku. Privremena zajednička komisija je na 4. sjednici, održanoj 10. septembra 2015., razmotrila sve pristigle prijave i provjerila da li su kandidati, u skladu s Javnim konkursom, dostavili valjane dokaze o ispunjavanju općih i posebnih uslova. U skladu s članom 12. Poslovnika, Privremena zajednička komisija utvrdila je da su sve prijave potpune i uredne.

U skladu s članom 13. Poslovnika Privremene zajedničke komisije, svih 19 kandidata pozvano je na intervju. O datumu, vremenu i mjestu održavanja intervjuja svi kandidati obaviješteni su pismenim putem, telefonom i putem e-maila.

Privremena zajednička komisija je na 5. sjednici, održanoj 30.9. i 1.10.2015., obavila intervju s kandidatima za ombudsmena za ljudska prava Bosne i Hercegovine.

Intervjuu se odazvalo 17 kandidata za poziciju ombudsmena za ljudska prava BiH, a dva kandidata su obavijestila Privremenu zajedničku komisiju da odustaju od intervjuja i da povlače svoju prijavu.

Privremena zajednička komisija je, u skladu s članom 14. Poslovnika, nakon obavljenog intervjuja izvršila ocjenjivanje kandidata za poziciju ombudsmena za ljudska prava BiH. Ocjenjivanje kandidata obavljeno je u skladu s tri kriterija utvrđena Poslovníkom, i to: 1. obavljeni intervju (od 0 do 30 bodova); 2. dosadašnje radno iskustvo u pravnoj struci (od 0 do 30 bodova) i 3. stečeno iskustvo u oblasti zaštite ljudskih prava i sloboda građana (od 0 do 30 bodova). Članovi Privremene zajedničke komisije su prilikom ocjenjivanja kandidata uzimali u obzir odredbu Zakona o ombudsmenu za ljudska prava Bosne i Hercegovine kojom se traži da ombudsmeni za ljudska prava imaju visok moralni ugled. Ukupna ocjena svakog kandidata je zbir bodova koje je dobio od svakog člana Privremene zajedničke komisije, u skladu s navedenim kriterijima.

IV. Utvrđivanje rang-liste kandidata i dostavljanje Predstavničkom domu i Domu naroda Parlamentarne skupštine Bosne i Hercegovine na daljnji postupak

U skladu sa zakonskim i poslovničkim odredbama, Privremena zajednička komisija je na 6. sjednici, održanoj 14.10.2015., utvrdila rang-listu kandidata za imenovanje tri ombudsmena za ljudska prava BiH:

**RANG-LISTA KANDIDATA ZA IMENOVANJE TRI OMBUDSMENA ZA LJUDSKA
PRAVA BOSNE I HERCEGOVINE**

R/b	Ime i prezime kandidata	Nacionalna/ etnička pripadnost kandidata	Broj bodova
1.	LJUBINKO MITROVIĆ	SRBIN	524
2.	JASMINKA DŽUMHUR	BOŠNJAKINJA	523
3.	NIVES JUKIĆ	HRVATICA	511
4.	BRANKA MIJATOVIĆ	SRPKINJA	483
5.	ANITA DURAKOVIĆ	HRVATICA	478
6.	NATALIJA PETRIĆ	SRPKINJA	477
7.	SLAĐANA MARIĆ	SRPKINJA	473
8.	PREDRAG RAOSAVLJEVIĆ	SRBIN	471
9.	EMINA HALILOVIĆ	BOŠNJAKINJA	470
10.	MIDHAD OSMANČAUŠEVIĆ	BOŠNJAK	468
11.	LJUBOMIR SANDIĆ	SRBIN	457
12.	NIKOLA SLADOJE	SRBIN	449
13.	DEJAN KARAN	SRBIN	441
14.	ADELINA DŽANKOVIĆ	BOŠNJAKINJA	434
15.	FAZILA MUSIĆ	BOŠNJAKINJA	433
16.	PERICA BUNDALO	SRBIN	432
17.	HAJRO POŠKOVIĆ	BOŠNJAK	420

Na istoj sjednici Privremena zajednička komisija usvojila je i Izvještaj o utvrđivanju rang-liste kandidata za imenovanje tri ombudsmena za ljudska prava BiH, te ga upućuje Predstavničkom domu i Domu naroda Parlamentarne skupštine BiH na daljnji postupak.

Za izvjestioce o radu i o Izvještaju o utvrđivanju rang-liste kandidata za imenovanje tri ombudsmena za ljudska prava BiH u domovima Parlamentarne skupštine BiH Privremena zajednička komisija odredila je:

- iz Predstavničkog doma – Nikolu Lovrinovića, prvog zamjenika predsjedavajućeg Privremene zajedničke komisije,
- iz Doma naroda – Halida Genjaca, predsjedavajućeg Privremene zajedničke komisije.

Predsjedavajući Privremene zajedničke komisije

Halid Genjac